

Acqua pura? ... Acqua gialla!

N'aviamu picca punci di grattari!

Ogni matina n'acchiana una a galla:

doppu 'nfluenza, travagliu picca e bulletti di pagari,

a Caniatti ni mancava sulu l'acqua gialla!

Pi la vrità la curpa 'un è locali:

cu lu dissi prima nun vulia fari offisi,

cridiennu giustu ca a la saluti putia fari mali.

Ma sta situazioni dura già du' misi!

"Nun è potabili", ma è bona pi fari l'antri cosi,

accussì è scrittu 'n-tutti li Verbali.

Ma a mia 'un mi spercia, mancu fussi acqua di rosi.

Gialla pi gialla, miegliu usari *chiddra pirsunali!*

peppecaruso, 16 Novembre 2009